

և որ ոչ թի որի կատարեալ դարգացման համար հարկաւոր են միայն ժամանակ և բարեյաջող հանգամանքներ»:

Ա. Ա. Տէր Պօղոսեան.

„Вост. Восток.“ № 6, 1902 г.



**ՅԱԼԻԹԱՀԱՐՍԸ, Պուշկինի, Թարգմ.
Կ. Կրասիլնիկեանի:**

(Շարունակութիւն և վերջ)

Հիմա դալիս են ամէն տեսակ յանցանքներ խառն ի խառն ի մի խմբուած, հետեւեալ վերնադրի տակ, որտեղ պատահում են և չորուցամաք, ցուրտ և անդոյն արտայայտութիւններ.

Սարկական բարգմանութիւն և անձօրութիւններ.

«Իսկի ընդունակ էլ չեմ»—Շնորհի չունիմ:

«Միքե յարմա՞ր է»—Այս ինչի նման է:

«Բախսը քո ձեռքից չսաս»—Րիսխցնես:

«Աւելի քիչ գալ»—ուշ ուշ գալ:

«Իսկ յիմարներիդ այդպէս համոզել»—խելից հանել:

«Գէթ մի քիչ դրամ, շատ շատ կը շինեմ»—աւելի շատ:

«Աղջիկ, յիշիր իմ խորհուրդները»—Երբեմն կարելու է որոշել մտպանութիւնը՝ մտաբերութիւնից, իսկ այստեղ պէտք է ասուի՝ մտաւոր պահիր:

«Երբ քեզ տեսնում եմ»—հեկց քեզ ...:

«Մի սխալի, բոլոր սուր, որ քեզ սեղմեմ»—Մի սխալի, արի քեզ ս.

«Ամբողջ քանկազին քարերով ծածկուած»—ամբողջապէս կամ բոլորը:

«Ա, անա՛ր քե ինչ ...»—հայերէն չէ, կարելի է ասել՝ այդպէս, հն...:

«Հեկց դրա համար քեզ ասում էի»—Տեսնա՛ր, հասցա ինչ էի ասում քեզ:

«Եւ նա կարող էր, ինչպէս բարի մարդ»—... այդ բարի մարդը:

«Ի՛նչպէս, եւ դրամ տալ»—каково! նշանակում է ժպտութեան, հա-

մարձակութեան վերայ զարմանալ, ուրեմն հաշա
յի էլ անհուն՝ եւ դրամ...

«Նրա հեկից փափոսել»—*за нумъ ...*

«Իմ անկումը քեզ օգուտ կը բերեք»—*Миршагыр, зумъ օգուտ կը բերե
քեզ իմ անկումը:*

«Մեղք է քեզ համար»—*Մեղանում ես Աստուծոյ առաջ:*

«Երբ հրամարտեցի ես այն ամենից»—*զահեցի ... ամենը:*

«Ենամբ»—*խնամեխօս, գրեթէ մեր մօցիքուլ:*

«Ողջոյն քեզ, իշխան, քո երիտասարդ իշխանունու հետ»—*Այսեղ
здравствуйն նշանակում է մի բարձի ծերանախ:*

«Հօ կարելի է մի բան վասակել իրան»—*ոուսաց շեռն, այդպէս չի
բարգմանուի. ասում են անձի համար, բայց աւելի
լաւ է նոր ձեւացնել նախադասութիւնը:*

«Նա միտս ասում է՝ որ թրա գործը ամենից ծանր է»—*իւր գործը:
Ան հասարակ իւր դերանուան անփոյթ գործածու-
թիւնը նոյնպէս մի ոնիր է:*

«Ինչո՞ւ էք դուք մուկը»—*մուկը կացել, կամ ինչ էք շուտ նստել:*

«Թե՞ բոլոր երգեր երգեցիք արդէն»—*թե՛ մեր երգերի սուրբակը դասար-
ան համարացը կուտ է:*

«Բայց խնամուն էլ մի յանդիմանե՛ք»—*քեարքուն յանեք:*

«Այն լուրի մասին, մեր գետի մասին»—*ինչ որ մեր գետում խօսուում են:*

«Հարսանիքի էլ կարծես թէ երգ չէ»—*իսկի հարսանիքին չի սագում:*

«Տես թէ ի՞նչ մեղք է. մարդու զուլսը ու ոտն է ընկնում»—*Պան,
պան ինչ բունդ մեղք է. մարդու զուլսն էլ է անգե-
ցնում, ոտներն էլ բուլսցնում:*

«Մի՛ լար, մի՛ վախիր, ննազանդ եղիր»—*... շիր մեզ:*

«Աստուած գիտէ, թէ ինչ էր»—*Աստուած գիտէ չի նշանակում Եօւ շուտ
այլ—*ей Եօւ:**

«Էն, միտս պե՛տ է, որ այդ աղջկերէր մի օյին սարքեն»—*էն, միշտ
այդ աղջկերէր մի մի օյին են սարքում:*

«Նա ամենեւին տեղը չի նստի»—*ընդհակառակ՝ կը կպչի ու էլ տեղից
պոկ չի գայ:*

«Ես այն ժամանակ լաւ կիմանայի»—*կը գիտենայի ...*

«Մարդս տուն եկաւ, բայց ինչո՞ւ (նա) չի երեւում»—*տուն է գալիս,
բայց ինչո՞ւ չի երեւում:*

«Բայց ինքն ո՞ւր է»—*իսկ ... մեր բարգմանիչները շատ անգամ ան-
խտիր գործ են անում բայց, սակայն, իսկ, որոնք որո՞
գորութիւն ունին:*

«Տէր իմ Աստուած» — Տէր Աստուած: Հայն Աստու մասին իւր յատկ սներն ունի: Ի դէպ է ասել, քե ոմանց ասած Տիրոջ հրամանը՝ սգոս միսխոնարներն հայախօսութիւնն է յիւեցնում. մենք ասում ենք Մեր Տէր Աստու կամ Յիս. Քրիստոսի հրամանը:

«Սիբում ենք ազօս բարձրանալ» — արձակ:

«Թփերի սակ քրքում է խաւարում» — ցոյ ընկաւ:

«Գուշակող աղջկաս» — հերիք է՝ գուշակ, կամ աւելի լաւ՝ իմաստուն:

«Մեզ մօտ խնջւյթ կայ» — ց սագ:

«Հիանալի դէպք» — Հրաշք էր դէպքը:

«Ինձ խնամում է յաւերժահարսը» — պսիկ յար:

«Քո ապարանքը ինձ հարկաւոր չեք» — չուզեցի քո . . .

«Թե՛ (ես) մանուկ եմ, որ մի քայլ անել ինձ չի կարելի առանց դայեակի» — որ չկարողանամ մի քայլ անել առ. ց.

«Մեր քրքիչով, ծփանքով» — ծփացնելով կամ ծուփ անելով:

«Եւ չհրապուրեք մանկան ջրի մէջ» — դէպի ջուրը կամ լիսափոխի մանուկին, որ հրապուրած չուրն ընկնի:

«Զգոյ՛ց եղիւր դու, եւ դուքս էկ նրան դիմաւորելու» — սպասիւր նրա գալստեան եւ դուքս գնն իրան դիմաւորելու.

«Ո՛վ է հարսնացուն, որին ինձ փոխարինեց» — փոխարինել նշանակում է հասուցանել, առաւելապէս պարսի ճամար է ասվում. իսկ օրինակում պէտք է ասուի՝ որով ինձ փոխանակեց:

«Ի՞նչպէս ես կարծում» — ինչ ես կարծ.

Լոկ միայն մերկ նախադասութիւնները կարգալով, կարելի է թէ ընթերցողը անմիջապէս չըմբռնէ թարգմանութեան թուլութիւնները բոլոր ծանրութիւնը, վասն որոյ վերջը մենք առաջ կը բերենք մի ամբողջ մենախօսութիւն, սրբազրութեամբ հանդերձ: Ժողովրդական լեզուից նա փոխ է առել միայն հետեւեալը. օյին, նուս, սիպսակ, նաւբայ, ջահել, ջիբ, նանի, ախր, հօ, գցեց, և կարծում ենք, թէ այս է բոլորը: Այս ձգտումը միանգամայն զուլելի ենք համարում: Ըստ և այնպէս ոչ մի հոգևոր գործում ծայրայեղ մաքրասիրութիւնը, պուրիզմը, ցանկացած հետեւանք չի ունենում. այս դէպքում — լեզուի համար խիստ նեղ սահման է գծում, այն աղքատացնում է, կենդանութեան դրոշմը նորանկի խլում է: Աւրեմն որոշ առօրեանով գրականական լեզուն խնամութիւն պէտք է հասաատէ ժողովրդեան լեզուի հետ, ինչպէս որ ինքը թարգմանելը արել է շատ ժլատ կերպով:

բայց արդէն ժլատութիւնն էլ ապացոյց է, թէ մի կարեք կայ, որ անհնարին է անտես առնել:

Տաղաչափութեան արուեստի մասին չենք ուզում երկարել, որովհետեւ այդ արուեստը մեղանում շատ անարդուած է, և մինչև այսօր չենք կարողանում արտաքին նշաններից արուեստի ներքին գաղտնիքները թափանցել, և ոչ էլ կարեք և պահանջ ենք դրում այդ բանի համար: Ես ամենայն դիտակցութեամբ ատում եմ, որ Սմ. Շահադիղեանի երաժշտական տաղաչափութիւնից և իրօք բանաստեղծութիւն պարունակող ոտանաւորներից յետոյ, գրեթէ ոչ ոք այդ արուեստը աւելի չբարձրացրեց, իսկ շատերը նոյն իսկ նորա բարձրութեան չհասան: Մեղանում վանկերի թիւը հաշուելուց աւելի ուրիշ պահանջ չեն դնում: Թող ներուի, որ դէթ մի նկատողութիւն անեմ:

| | |
|------------------------------|------|
| Ուրախ խմբով մեկ | 2, 3 |
| Խորը յասակից | 2, 3 |
| Դիւերն ելնում եմ, | 2, 3 |
| Տախանում լուսնից ... | 3, 2 |
| Սիրում եմ մեկ գիւերներով ... | 4, 4 |
| | 4, 3 |
| | 4, 4 |
| | 4, 3 |

Էհ, որովհետեւ վանկերի թիւը մեծ բան է համարվում, մենք էլ սկսենք այդ հաշուից: Ինչպէս ընթերցողը նկատում է, այս երգը երկու երաժշտական մասից է կազմուած, մինքն՝ 5 վանկական տողերով, միւսը՝ 8 և 7 վանկական տողերով: Պուրիստները կարող են ասել, թէ առաջին մասը խորտուրտութիւն ունի, որովհետեւ չորրորդ տողի հատածները (3, 2) նման չեն նախընթացներին կարգին (2, 3), և ընթերցանութեան ժամանակ խթնութիւն պէտք է դրացնեն: Թերևս այդ այդպէս լինէր, եթէ երգը այն տողով էլ վերջանար. բայց քանի որ յետոյ սկսվում է երկրորդ մասը, այն ևս նոր շէնքով (4, 4, 4, 3), մենք կարծում ենք, որ երաժշտական տեսակետից՝ չորրորդ տողի վտփոխութիւնը մի տեսակ նախերգանք է, պրէլիւդիայ է, երկրորդ մասի համար, և այդպէս երգը դառնում է դեղդեղանք, փոխանակ միակերպ դանդաղութեան մատնուելու:

Բայց մենք կուզենայինք ընթերցողի ուշադրութիւնը դարձնել աւելի ոտքի յարմարութեան վերայ: Առաջին տողը վերջանում է «մենք» բառով, երկրորդ տողը «ենք» բառով, սա լաւ տաք է, բայց եթէ ի նկատի առնուենք, որ «ենք»-ից առաջ մի մեկ տառ էլ կայ (ելնում), ուրեմն երրորդ տողում հնչուած ենք

լսում «մ-ենք», որով լաւ ոտքը դառնում է՝ ճոխ ոտք: Սակայն այդ այդպէս է միայն աչքի համար, ընթերցանութեան ժամանակ, իսկ ականջի մէջ, արտասանութեան ժամանակ, այդ դեղեցիկ շէնքը փլվում է, վասն զի երկու ոտքերի շէշտերը իրար չեն ծածկում, որ երաժշտական տեսակէտով մեծ թերութիւն է: Եւ իրօք, առաջին տողի «մէնք» բառը շէշտ ունի, իսկ երրորդ տողի «ենք» էականն բայն՝ շէշտ չունի, այլ շէշտը վերջընթեք վանկումն է (եւնոմ ենք): Մեր բանաստեղծները այս բաները վերայ ուշադրութիւն չդարձնելով և անդադար, այս՝ անդադար շէշտուած ոտքի դէմ՝ խուլ կամ թարմատար ոտք դնելով, չեն նկատում, որ ոտանաւորը կորցնում է երաժշտութիւնը, այսինքն բոլոր արժէքը:

Այժմ դառնանք 5. տողին: Այն տեղ կարգում ենք «սիրում ենք մենք», այսինքն «մ-ենք մենք» կամ անմիջապէս 2 «մենք», որով կաղմվում է երաժշտական խղուրդաւն, և ուրեմն գորանով արդէն ամենայն բան ասած կը լինինք: Տաղաչափութեան մասին միայն այսքան աւելացնենք, որ թարգմանիչը իւր գործը շատ է տգեղացրել մէջը աւելորդ դերանուցներ և շատ անգամ վանկերը լրացնելու համար անպէտ բառեր դիզելով: Բովանդակութիւնն իւր յարմար ձևը պէտք է դանի, և ոչ թէ ձևի համար բաներ հնարուին:—

Վերևը խոստացել էինք մի ամբողջ մենախօսութիւն առաջ բերել: Մենք ընտրում ենք հէնց առաջին մենախօսութիւնը, որ ապացոյց պէտք է լինի թէ թարգմանիչը իւր գործն սկսել է մեծ երկիւղածութեամբ, բայց և երկնչելով: Նա գնալով, աւելի աղատվում է երկիւղից և միւս կտորները աւելի լաւ է թարգմանում: Նա ի հարկէ թարգմանել է տաղաչափութեամբ: Նորա թարգմանութեան դէմ մենք ներկայացնում ենք մեր արձակ թարգմանութիւնը, բոլոր վերի ասածները աւելի լուսաբանելու համար: Նորա թարգմանութիւնը սողերի չենք բաժանի, այլ կը գրենք արձակ գրութեան ձևով:

ՏԱՂԱՉԱՓՈՒԹԻՒՆ.

ԱՐՉԱԿ ՇԱՐԱԳՐՈՒԹԻՒՆ.

Օհ, բանն էլ այդ է, որ դուք բոլորդ յիմար էք, յիմար, ջահէլ աղջիկերք: Թէ ձեզ պատահեց մի նախանձելի ոչ հասարակ

Օհ, հէնց ամէնքդ էլ, ձեր ջահիւ տեղով, ամէնքդ յիմար էք: Թէ բախտը բերի, ջահիւ աղջկայ ճանկն ընկնի մի երևե-

մարդ, դուք պիտի նրան էլ ամենևին ձեռքից չը թողնէք:

Իսկ ինչո՞վ.— աղնիւ, խելացի վարքով հրապուրել նորան, մերթ վաղաքշանքով, և մերթ խոտու-թեամբ, մի-մի անգամ էլ հարեանցօրէն խօսք պիտի գցել պսակի մասին: Իսկ ամէնից շատ անարատ պահել հոյսի պատիւը — այդ անգին գանձը:

Գա ինչպէս խօսքը, եթէ դուրս թռաւ, էլ ձեռք չի բնկնի: Բայց ամուսնութեան թէ էլ յոյս չը կայ, հօ կարելի է մի քան վատակել իրան, կամ գոնէ ծնողի համար:

Պէտք է մտածել՝ նա ինձ յաւելտեան հօ չի սիրելու և փայփայելու: Ի՛հ, չէ՛, դուք իսկի ընդունակ էլ չէք մի լաւ բան անել:

Միթէ յարմար է, իսկոյն դըժուր էք և երջանեկ էք ձրի կատարել նրա հաճոյքը: Պատրաստ էք ձեր սիրելի վզից կախ բնի-նել, իսկ այդ սիրելին, տեսար—չքացաւ, հետքն էլ չերեաց: Եւ դուք էլ ոչինչ օգուտ չունեցաք... Օհ, դուք բոլորդ էլ այդպէս յիմար էք:

Քեզ հարիւր անգամ մի՞թէ չեմ ասել. է՛յ, աղջիկ, նայեր, այնքան էլ ախմար մի՛ լինի, բախար քո ձեռքից չը սառ, մի՛

լի, իշխան մարդ, էլ չպէտք է բաց թողնէք. պինդ պէտք է բռնէք:

Էն էլ գիտէք ինչո՞վ. նամուսով, արուսով, խելօք շնորհով հրապուրել, երբեմն երես չտալով, երբեմն քաղցր վարմունքով մի-մի անգամ էլ, սակէ տակ, հանաքի տալով, խօսք գցել պսակի մասին, բայց աչքի պտուղի պէս անարատ պահել կուտական պատիւը, այդ անգին գանձը:

Այդ բանը, ինչպէս բերանից դուրս թողած խօսքդ, էլ յետ չես դարձնի: Իսկ եթէ ամուսնութեան խսկի յոյս չունենաս, դու կարող ես մի բանով շահուիլ ինքդ, կամ ծնողիդ համար մի օգուտ դուրս քաշել:

Պէտք է ինքդ ու ինքդ մտածես թէ «յաւելտեան հօ սիրելու չէ՞ նա ինձ, միշտ այդպէս հօ չի՞ փայփայի»: Ի՛հ, ձեզ ո՞վ է շնորհ տուել, որ կարողին բան բռնէք:

Թէ չէ, այս ինչի՞ նման է: Իսկոյն գժվում էք, վաղէվադ գնում էք ձրի կատարելու նրա հաճոյքները, պատրաստ էք ամբողջ օր կախ բնկած մնալ սիրահարի վզին, իսկ սիրելին, մէկ էլ տեսար, թռաւ, և իղն ու թողը չմնաց... Օհ, դուք ամէնքդ յիմար էք:

Միթէ հարիւր անգամ չեմ ասել. «Ա՛յ, աղջիկ, տես, խելքդ յթոցնես, դրան առջև չօքած բախարդ հասի, իշխանին ձեռ-

Թող իշխանին, և յիմարաբար
քեզ չհորցնես:

քեցդ չթողնես, և ի դուր հոգիդ
չհորցնես:

Եւ ի՞նչ դուրս եկաւ. դէհ,
այժմ նստիր ու միշտ դու ող-
բա՛, ինչ որ յետ բերել չես կա-
թող արդէն:

Բայց ս'ւմն ես ասում. Դէ,
հիմի նստիր ու սե ըախադ լաց,
որ էլ իսկի դառնալու չէ:

Ս. Մ.



ԱՆՍՄՆԱՊԱՀՈՒԹԻՒՆ ԵՒ ԱՆԱՄՆԱԲՈՒԾՈՒԹԻՒՆ.

ՄԵԾ ԵՂՋԻՐԱԻՈՐ ԱՆԱՍՈՒՆՆԵՐԸ

Ծնունդ.— Կովի յղութիւնը տևում է սովորաբար 240—
321 օր, մեծաւ մասամբ 285 օր, այսինքն 9 ամիս 15 օրից
աւելի: Յղացած երինջի կամ կովի սախնքը յղութեան երկրորդ
կէսից յետոյ, երբ սովորաբար հորթը սկսում է շարժուել ար-
դանդում, սկսում է զարգանալ: Յղի կովին պէտք է շատ լաւ և
զգուշութեամբ խնամել, նորան պէտք է հեռու պահել ամէն
աեսակ հարուածներէց, խփելուց, չպէտք է վաղեցնել, աշխա-
տեցնել: Լաւ կլինի յղի կովերին պահել առանձին ախոռներում,
որտեղ ներս ու դուրս անելը պէտք է շատ զգուշութեամբ կա-
տարուի՝ միաժամանակ միևնոյն դռնից երկու անասուն (մէկը
յղի) չպէտք է անցկենան: Հովիւը պարտաւոր է ուշք դարձնել, որ
նախրի մէջ յղի կովերը չկուռեն և եղջիւրներով կամ ոտներով
լրար չհարուածեն: Լաւ կլինի դարնանք, երբ սովորաբար նախ-
րի մէջ շատ կովեր են յղի լինում, հովիւներին թիւը աւելացնել:
Խիստ ծանրացած յղի կովերի համար վտանգաւոր է, երբ ստա-
մորը արագութեամբ սառչում է, որովհետև կարող են վիճել.
ուստի պէտք է զգուշանալ այդպիսիներին ձմեռը շատ սառն ջուր
խմացնելուց, մանաւանդ դուրսը և շատ սառն կամ եղեամով
ծածկուած կեր ուտացնելուց: